

Tafsiira Suuratu Luqmaan-Kutaa 2

Description

Kutaa darbe keessatti Qurâ€™aanni namoota isa qabataniif qajeelfamaa fi rahmata akka taâ€™e ilaalle jirra. Uumamaanu namni jecha gaarii irraa yoo gore jecha gadi buâ€™aa fi faaydi hin qabne filata. Qurâ€™aanni jecha hundarra gaarii taâ€™eedha. Kanaafu, namni Qurâ€™aana irraa garagale jecha fafee fi faaydi hin qabne filata. Aayah armaan gadi keessatti dhugaa kana ni arganna:

﴿وَمِنَ النَّاسِ مَنْ يَشْتَرِي لَهُوا الْحَدِيثَ لِيُضِلَّ عَنْ سَبِيلِ اللَّهِ بِغَيْرِ عِلْمٍ
وَيَتَخَذِّلُهَا هُزُوا أُولَئِكَ لَهُمْ عَذَابٌ مُّهِينٌ ⑥ وَإِذَا تُتْلَى عَلَيْهِ ءَايَاتُنَا وَلَيَ
مُسْتَكِبِرًا كَانَ لَمْ يَسْمَعْهَا كَانَ فِي أُذُنِيهِ وَقُرًّا فَبَشِّرْهُ بِعَذَابٍ أَلِيمٍ ⑦﴾

â€œNamoota keessaa nama beekumsa malee karaa Rabbii irraa jallisuu fi qoosa godhachuuf dubbii taphaa bitatu jira. Isaan sun adabbii salphisaatu isaaniif jira. Yommuu keeyyattonni Keenya isa irratti dubbifaman, akka waan hin dhageenyetti, akka waan gurra isaa lamaan keessa duudummaan jiruu of tuulaa taâ€™ee garagala. Adabbii laalessaan isa gammachiisi.â€ Suuratu Luqmaan 6-7

â€œNamoota keessaa nama beekumsa malee karaa Rabbii irraa jallisuu fi qoosa godhachuuf dubbii taphaa bitatu jira.â€ Rabbiin subhaanahu wa taâ€™aalaa as keessatti haala warra Qurâ€™aana irraa garagalaniif dubbata. Namoonni kunniin wanta faayda qabu irraa dubbii nama jaataneessu (kooâ€™omsu) ittiin bashannanuuf filatu, qabeenya ofii baasu.

Lahw: wanta gatii hin qabne kan nama koâ€™oomsuudha (biizi nama godhuudha)[\[1\]](#)

Dubbii taphaa keessa wantoonni kunniin ni seenu: muuziqaan, sirbii, afoola dubbisuun, moovin, fiilmii fi diraamaan faayda hin qabne, inumaa gara badiitti nama harkisan hundi dubbii fi gochoota taphaa faaydi homaatu hin qabneedha. Dubbiin taphaa faaydan keessa hin jirree baayâ€™eedha. Gabaabumatti, dubbiin taphaa dubbii gatii hin qabne wanta faayda qabu irraa nama koâ€™oomsuudha. Abdullah Ibn Masâ€™uud dubbiin taphaa maal akka taâ€™e yommuu gaafatamu, Rabbii haqaan gabbaramaan Isa malee hin jirreen kakadhe, dubbiin taphaa sirba jedhe.[\[2\]](#)

Dhuguma jedhe sirbi ykn muuziqaan dubbii taphaa faaydi hin qabne keessaa tokkoodha.

â€œbeekumsa malee karaa Rabbii irraa jallisufâ€ Kana jechuun xumurri tapha faaydi hin qabnee irratti yeroo gubuu karaa Rabbii qajeelaa irraa mataa ofiitii jallachuu fi namoota biroo jallisuu akka

taâ€™uufi. Jallachuu fi jallisuun kuni osoo isaan dhuma badaa hin beekin argamuu dandaâ€™a.

Xumurri Qurâ€™aana irraa garagaluun dubbii taphaa faaydi hin qabne filachuu: ofii fi namoota biroo jallisuudha.

Sheeyxanoonni jinnii fi namaa dhiibbaa wanti kuni namoota keessatti qabu hubatanii jiru. Kanaafu, karaa Rabbii qajeelaa irraa namoota jallisuu fi karaa kanarrraa fageessun qilee badiitti kuffisuuf tapha daangaa hin qabnee ni uuman. Namoonni yeroo isaanii wanta faaydi hin qabne irratti akka gubanii fi karaa Rabbii irraa jallataniif wantoota taphaa faaydi hin qabne gama Televizhini, interneeti, gaazexaa fi kkf raabsuuf qabeenya baayâ€™ee gadi dhangalaasu. Filmii hanga kutaa 100 caalu hojjachuun raabsu. Kuni hundi dubbii taphaa karaa Rabbii irraa namoota jallisuuf hojjataniidha.

Mufassiroonni gariin akka jedhanitti asitti bitachuun jechuun filachuu fi jaallachuudha. Hiikni kunis siriidha. Sababni isaas, namoonni gariin osoo maallaqaan hin bitin dubbii taphaa faaydaa hin qabne kan akka sirbaa filatanii fi jaallatantu jira. Qurâ€™aana dhageefachuu dhiisanii muuziqa dhageefachu jaallatu.

Bitachuun maallaqaanis kan taâ€™uudha. Filmii fi muuziqa hojjachuuf ykn bituuf maallaqa meeqatu dhangalaâ€™aa.


â€œqoosa godhachuufâ€¢kana jechuun karaa Rabbii gammachuu abadiitti nama geessu qishnaa godhata.

Akkuma uumama namaa irraa beekkamu, namoonni yommuu faayda addunyaa irraa wanta isaan bashanansiisutti yoo rarraqâ€™an, wanta kanarrraa isaan garagalchu hunda xiyyefannoo itti kennu akka hin qabnetti ilaalu. Yommuu wanta kanatti waamaman, itti qosu, qishnaa godhatu. Nama isaan waamus akka gowwaatti ilaalu.

Akka fakkeenyatta, namoota tapha isaanii keessatti lixan biratti yommuu salaanni gahuu fi namni tokko salaata akka salaatan isaan waame, waamicha isaa ni jibbu. Salaatatti ni qosu.[\[3\]](#)

Karaan Rabbii Islaama. Gabaabumatti, namoonni dubbii taphaa faaydi hin qabne bitatan kunniin, nafseen isaanii wanta faaydi hin qabnetti waan rarraatef, Islaamatti ni qosu. Salaata, Qurâ€™aana, hadiisota Nabiyyii fi murtiwwan Islaamaatti ni qosu. Namoonniakkana kunniin **â€œadabbii salphisatu isaaniif jira.â€¢** Kana jechuun adabbii isaan salphisutu isaaniif jira. Yommuu isaan of tuulanii fi guddaa akka taâ€™anitti of ilaalanii aayaata Rabbiitti qosan, wantuma yakka isaanii fakkaatun adabaman. Yeroo hundaa addunyaa fi Aakhiratti jazaan gosa hojiitini.

Namtichi aayaata Rabbii qoosa godhatu kuni kaayyoon isaa namoota keessatti sadarkaa aayaata kanniini gadi buusufi. Kanaafu jazaan isaa Rabbiin adabbii isa salphisuun jazaa isaaf kafaluudha.[\[4\]](#)



Yommuu keeyyattonni Keenya isa irratti dubbifaman, akka waan hin dhageenyetti, akka waan gurra isaa lamaan keessa duudummaan jiruu of tuulaa taâ€™ee garagala. Adabbii laalessaan isa gammachiisi.

Keeyyanni tuni waaâ€™ee nama Aakhiratti hin amannee dubbatti. Aakhiratti amanuu dhiisun isaa kuni karaa Rabbii qajeelaa keessa akka deemuf wanta isa waamu akka dhimma faaydi hin qabneetti akka ilaalu isa taasise. Akkasumas, wanta karaa Rabbii isaaif ibsu dhageefachuuf umrii isaa irraa yeroo isaa gubaa akka jiruutti akka yaadu isa taasise. Kanaafi, yommuu keeyyattonni Qurâ€™aanaa isa irratti dubbifaman, nama isaan dubbisuutti dugda isaa naanneessee jibbuu fi of tuuluun irraa fagaata.

Garagalee deemuu isaa jibbiinsa inni keeyyattota Qurâ€™aanaatiif qabu agarsiisa. Of tuulinsa isaa immoo jechi Rabbii: **Mustakbiran (of tuulaa taâ€™ee)** jedhu ni agarsiisa. Kana jechuun keeyyattoota Qurâ€™aanaa dhimmoota olâ€™aana xiyeefan noo itti kenu qabanii gadi akka taâ€™anitti ilaala.

Kitaaba Rabbii keessatti aayaata Isaa irraa waa dubbisuun sammuu isaa hin qaxxaamuru. Sababni isaas, inni Qurâ€™aanatti hin amanu. Garuu Muslimni dhugaan amanee aayaata Qurâ€™aanaa isarratti dubbisuun dandaâ€™a. namni of tuulaan kunis yommuu aayata Qurâ€™aanana kana dhagayu, nafseen isaa ni sunturti, dhageefachu irraa ni dheessa. Sababni isaas, aayaanni kunniin wantoota inni itti hin amanee dubbatu.^[5]

Yommuu aayanni isarratti dubbafaman akka waan hin dhageenye irraa garagala, inumaa gurra isaa keessa duudummaan akka waan jiruutti irraa dheeessa. Namaakkanaa qajeelchuuf tooftaan hin jiru. **Adabbi laalesaan isa gammachiisi.**⁶ Kana jechuun Guyyaa Qiyaamaa adabbi qalbii fi qaama isaa dhukkubsu isatti beeksisi.^[6]

Namni Aakhiratti hin amanne Qurâ€™aana hubannaan dubbisuus hin barbaadu, yeroo isarratti dubbifamuus irraa garagala. Qurâ€™aanatti xiyyeefannoo guddaa hin kenu. Inumaa irratti of tuula. Namni kuni gocha akkanaa irraa yoo hin deebiâ€™in, adabbii laalessaatu isaaf jira.

Kitaabban wabii:

- [1] Maâ€™aariju Tafakkuri wa daqaaâ€™iqu tadabburi-11/691
- [2] Tafsiir Ibn Kasiir-6/108
- [3] Maâ€™aariju Tafakkuri wa daqaaâ€™iqu tadabburi-11/690-693
- [4] Tafsiir Qurâ€™aanil Kariim-Suuratu Luqmaan, Ibn Useymiin- fuula 33
- [5] Maâ€™aariju Tafakkuri wa daqaaâ€™iqu tadabburi-11/694
- [6] Tafsiir Saâ€™dii-760

Date Created

October 3, 2020

Author

admin